



gazeTi gamodis  
1931 wl is 5 ianvridan

# ალიონი

საზოგადოებრივ-პოლიტიკური გაზეთი [www.alion.ge](http://www.alion.ge)

ყოველკვირეული გამოშვება  
ფასი 20 თეთრი

## პრესკონფერენცია გამგებელთან

გაზეთი „ალიონი“



29 აგვისტოს ოზურგეთის მინიციპალიტეტის გამგებელმა კოტე შარაშენიძემ ჟურნალისტებთან და არასამთავრობო ორგანიზაციებთან პრესკონფერენცია ჩატარა. პრესკონფერენციის თემა გამგებლობიდან 8 თვის განმავლობაში განხორციელებული საქმიანობა და მიმდინარე პროცესები უნდა ყოფილიყო.

პრესკონფერენციებს ნაკლებად ვატარებ, იმიტომ, რომ ძალიან დატვირთული ვარ და როდესაც ამის აუცილებლობა იქნება, შევასწავებ. დღევანდელი ჩემი შეხვედრა მინდა, იყოს კითხვა-პასუხის რეჟიმში. არის უამრავი კითხვა, საკითხები, რომელიც ბოლო დღეების განმავლობაში ცალმხრივად შეუქცება და აუცილებლად ჩათვალავ, რომ ამ ბრალდებებს გავცე პასუხი, რომელიც 80 პროცენტით ჩემს პიროვნებას, ჩემს საქმიანობას ეხება, - განაცხადა კონსტანტინე შარაშენიძემ.

თავდაპირველად კითხვა აგვისტოს თვეში სტიქიის მიერ დაბა ურეკსა და სხვა სოფლებზე მიყენებული ზიანის ოდენობას ეხებოდა. გამგებლის თქმით, საეკოლოგიურ ზარალის ოდენობა 800 ათასი ლარის ფარგლებში დათვალეს და მოთხოვნა გადაეზარდა.

ტე „გურიამ“ დასვა კითხვა თუ რატომ არ წარმოადგინა გამგებელმა საკრებულოს სხდომაზე გაზაფხულზე სტიქიით მიყენებულ ზარალთან დაკავშირებით გამოყოფილი 450 ათასი ლარის ზარკვის შესახებ.

როცა საჭიროდ ჩათვლით, მაშინ გავაკეთებთ ინფორმაციას.

გაზეთი „გურია ნიუსი“ ტენდერების თემაზეც შეეკითხა გამგებელს. საკრებულოს დეპუტატ დიმიტრი კვერელიძეს კითხვებზე პასუხად ამასთან დაკავშირებით.

ტენდერებს შესყიდვების სააგენტო ელ-

ქტრონულად ატარებს. მასში შეუძლია მონაწილეობა მიიღოს საქართველოს ნებისმიერმა მოქალაქემ და აშშ-ში მცხოვრებმაც. ამ ტენდერს აქვს დამცავი მექანიზმები და ფიზიკური ჩარევა არ ხდება. თუ ამ თემაზე ეჭვი აქვს ბატონ დიმიტრი კვერელიძეს, მიმართოს შესყიდვების სააგენტოს და გასცემენ კომპეტენტურ პასუხს.

ამის შემდეგ პრესკონფერენცია გაზეთ „გურიის მოამბის“ ჟურნალისტებსა და გამგებელს შორის კითხვა-პასუხის რეჟიმში წარიმართა, სადაც იყო ემოციური გამოთქმებიც.

კოტე შარაშენიძე „გურიის მოამბის“ ჟურნალისტებს უხსნიდა, რომ მათ ფართოდან არაფერი ყრიდა და „გურიის მოამბის“ ბრალდებები უსაფუძვლო იყო. საკმაოდ ხანგრძლივ „დებატებში“ გამგებლის თემატიკა თუა ლობჯანიძე ჩაერთო და მანაც გააკეთა განმარტება, რომ მინიციპალიტეტის საკრებულოს მიერ ფართის მოთხოვნა პრესკონფერენციის კანონის დაცვით მოხდა (ეს იყო გაფრთხილება, რომლის შემდეგ უნდა განხორციელებულიყო მოლაპარაკება საკრებულოს და რედაქციას შორის) და არაფერი არ აპირებდა რედაქციის უბნაოდ დატოვებას.

პრესკონფერენციის ბოლოს გამგებელმა ემოციურ ფორზე ასე მიმართა „მოამბეს“:

შექმნით სიტუაცია, რომ თითქოს ზეწოლა განხორციელდა. სად ჩანს ზეწოლა, ჩვენა ფართი, საღვინის ქონება, ვინ არის ლადო მენაძე და პრესკლუბი, რომ აუცილებლად უნდა იყოს მიიღოს ცხოვრება ამ ფართში. მაშინ შეეყვიდა კანონიერად, თუ ასე სჭირდებოდა. ეს მინიციპალიტეტის ქონებაა. და ახლა ქალაქის ცენტრში ეს ფართი სჭირდება.

„გურიის მოამბე“ გამგებლის რეპლიკაზე, თუ რა მეთოდებით იღებდნენ ბიუჯეტიდან თანხებს, უპასუხა, რომ ტენდერში იმარჯვებდნენ. რაზედაც გაზეთმა „ალიონმა“ განმარტა, რომ მინიციპალიტეტში ამ თემაზე ტენდერი არ ჩატარებულა და ისე იღებდნენ გადაწყვეტილებას თუ ვის დააფინანსებდნენ.

**P.S.** გაზეთი „ალიონი“ მიიჩნევს, რომ მინიციპალიტეტის ხელმძღვანელებსა და კონკრეტულ მედიასამუშაოებს შორის სადავო საკითხის გადაწყვეტა ცივილური ფორმით უნდა მოხდეს. ამიტომ გაზეთი თავს იკავებს ამ პრესკონფერენციის დეტალური გაშუქებიდან...

## სტიქია კვლავ მიინვაარებს



გაზაფხულიდან მოყოლებული რეგიონის სტიქიის შემოტევები არ მიკლებია. 18 აგვისტოს ძლიერი წვიმის შედეგად დაბა ურეკსა და შეკვეთილში მოსახლეობის პირველი სართულები დაიტბორა, წერეთლის ქუჩაზე მეწყერი ჩამოწვა და სამანქანო გზა ჩახერგა, დაიტბორა დუბაძის ქუჩა, ყველაზე დიდი ზარალი სოფელ ნატანებში მცხოვრებ, ავთანდილ გაბიტაშვილის ოჯახს მიადგა, სადაც უცებ ჩამოწვილილმა მეწყერმა ექვს სულთან ოჯახი ღია ცის ქვეშ დატოვა.

19 აგვისტოს რეგიონული განვითარებისა და ინფრასტრუქტურის მინისტრი, დავით ნარმანია და ოზურგეთის მინიციპალიტეტის გამგებელი, კონსტანტინე შარაშენიძე დაბა ურეკსში იმყოფებოდნენ და მთელი დღის მანძილზე სტიქიის შედეგად დაზარალებულ მოსახლეობას ხვდებოდნენ. დავით ნარმანიამ კონსტანტინე შარაშენიძესთან ერთად ყველა ის ადგილი დაათვალიერა, რომელიც უხვად მოვარდნილობა ნალექსა დააზიანა და

ადგილობრივთათვის მეწყერსაშიშრონად აქცია. მინისტრმა დაზარალებული გაბიტაშვილები გამგებელთან ერთად მონახულა და მათ დახმარებას დაპირდა. იგი ასევე სოფელ მეწყერმაღალასაც ეწვია, სადაც ადგილობრივებისაგან საყოფაცხოვრებო პრობლემები მოისმინა.

სტიქიის ზონაში სამშველო სამუშაოებს ოზურგეთის მინიციპალიტეტის სახანძრო და სამშველო ჯგუფები აწარმოებდნენ, კონსტანტინე შარაშენიძემ მყისიერად მოახდინა მძიმე ტექნიკის მობილიზება, რამაც დამეწყვირად ადგილებში ჩახველი გზის გაწმენდა უზრუნველყო. მობილიზებული იყო შინაგან საქმეთა სამინისტროს რამდენიმე სამშველო ჯგუფი, რომელიც დაზარალებულთა ევაკუაციას ასდენდა. გაერთიანებული წყალმომარაგების კომპანიის წარმომადგენლები სასტუმროების ეზოდან დაგუბებულ წყალს ტუმბავდნენ. **გზ-2**

**შპს-ის პოლიტიკური რამაზა**  
2013 წლის 4 სექტემბერს, ოზურგეთის რაიონში ჩამოღის პარტიის „დემოკრატიული მოძრაობა - მართიანი საქართველო“ თავმჯდომარე, საქართველოს პრეზიდენტობის კანდიდატი, ძალაბატონი ნინო ბურჯანაძე, რომელიც შპს-ს მფლობელია, გააპარტაზო მონასტრისთან შიდაში ბრავიკით:

13:45 - შეხვედრა სოფელ ნატანების მოსახლეობასთან (სოფლის ცენტრი);  
15:50 - შეხვედრა ქ. ოზურგეთის მოსახლეობასთან (ეკლესიის მიმდებარე სკვერი);



16:15 - საქართველოს ტერიტორიული მთლიანობისთვის დაღუპული გმირების მემორიალის ყვავილებით შემოკობა (ეკლესიის მიმდებარე სკვერი);  
17:45 - შეხვედრა სოფ. ლიხაურის მოსახლეობასთან (სოფლის ცენტრი, ექვთიმე თაყაიშვილის სახლ-მუზეუმი);  
მსურველებს შეუძლიათ დაესწონ. „ბურჯანაძე-დემოკრატიული მოძრაობის“ ოზურგეთის რაიონული ორგანიზაცია

**დემოკრატიული მოძრაობა**  
მართიანი საქართველო

## „ასპანობა“ წელსაც აღინიშნა

წიგნის ასპანობა



30 აგვისტოს, სოფ. ასპანობაში მოხდა „ასპანობა“ იუბილე. დილით „ასპანობის კომისია“ (ასპანობის საზოგადოება ცნობილი ბიზნესმენი მამუკა ბოჩია, ზურაბ, ჯიფხია ჩხაიძე) მიერ აგებული ტაძარში ჩატარდა წიგნის ასპანობა.

**გზ-2**

## 7 დღის ამინდის პროგნოზი

<b>წვიმა</b> +16+25	<b>მზა, ღრუბლი</b> +18+24	<b>მზა, ღრუბლი</b> +17+24	<b>წვიმა</b> +15+24	<b>ღრუბლი</b> +14+19	<b>მზა</b> +15+21	<b>მზა, ღრუბლი</b> +18+23
3 სექტემბერი სამშაბათი	4 სექტემბერი ოთხშაბათი	5 სექტემბერი ხუთშაბათი	6 სექტემბერი პარასკევი	7 სექტემბერი შაბათი	8 სექტემბერი კვირა	9 სექტემბერი ორშაბათი

# სტიქია კვლავ მიინგარებს



წყალმომარაგების კომპანიის მოძრავი ლაბორატორია წყლის ხარისხს ამოწმებდა.

1 სექტემბერს, დაახლოებით 03 საათზე ძლიერმა წვიმამ და ქარიშხალმა განსაკუთრებით მძიმე მდგომარეობაში შეკვეთილი, ურეკი, ნატანები და შრომა ჩააყენა. ცენტრალური გზის გასწვრივ არაერთი ხე წაიქცა, წყალმა და ღვაცოფმა დაზიანა საცხოვრებელი სახლი სოფ. ნატანებში. სოფ. შრომაში სახლებს სასურავები ახადა, ხოლო დაბა ურეკში სხვა დასახლებულ პუნქტებში მოსახლეობას ელექტროენერჯის მიწოდება შეუწყდა. დაზარალებულთა შორის არიან სოფ. გურიანთის მცხოვრებლებიც.

ოზურგეთის მუნიციპალიტეტში სტიქიისაგან გამორჩეული ზიანის მოცულობის დადგენა მიმ-

ინარეობს, რის შემდეგაც საჯარო ინფრასტრუქტურისადმი მიყენებული ზარალი დადგინდება და მთავრობის განკარგულებით გამოყოფილი თანხით აღდგენითი სამუშაოებიც დაიწყება.

უახლოეს პერიოდში დაბა ურეკში წყლისა და კანალიზაციის პრობლემის მოგვარდება. რაც სტიქიის შემთხვევაში ადგილობრივებს ნაკლებ პრობლემებს შეუქმნის.

გაზეთ „ალიონი“-ს კითხვაზე თუ რა ბედი ეწიათ, ნატანებში (წვერმაღალა) გაბიტაშილების ოჯახს და ასევე 1 სექტემბერს ძლიერი ქარისგან სოფ. ციხისფელში ნუგზარ მყავიას ოჯახს, მუნიციპალიტეტის გამგებელმა კონსტანტინე შარაშენიძემ გვიპასუხა: -ჩვენ არც ერთ ოჯახს არ დავტოვებთ უფურადღებოდ. სახელმწიფომ თანხები გამოყო და შესაბამისად ვიმოქმედებთ. გულიტაშილების ოჯახს ან ახალ საცხოვრებელს შევუძენთ, ან ფულად კომპენსაციას მივცემთ ახლის ასაგებად. ეს საგარეოდ 20-25 ათასი ლარი იქნება. ასევე დავხმარებით სოფ. გურიანთაში მყავიების ოჯახს. მათ სახლის გადასურვა სჭირდება. ჩვენ ვასაჭირებთ არაფერს არ მივატოვებთ!

## „ასკანობა“ წელსაც ალიონში

სოფლის ცენტრში სპორტული ღონისძიებები გაიმართა. ასკანელმა, მთისპირელმა, ბახველმა, მშვიდობაურელმა და ნაგომრიელმა ცხენოსნებმა საინტერესო სანახაობა აჩვენეს მაყურებლებს.

ერთკილომეტრიან დოღში ნაგომრიელმა ვალერი ვადაჭკორიამ გაიმარჯვა, 3-კილომეტრიანში ბახველმა ზაზა შათირიშვილმა.

ასკანელმა ბესო ლიპარტიანიმ მკლავში გაიმარჯვა, ხოლო ასკანელმა ფეხბურთელებმა მზიანლეს სძლიეს 7: 2.

ზაურ ჩხაიძემ სამხსოვრო პრიზებით დაავჯილდოვა სპორტულ ღონისძიებებში გამარჯვებულები, ხოლო სოფლის 80 უხუცესს ადამიანს ჩხაიძეების ფირმის საკომპლექციო ღვინოები და პროფესორ ვალერი ასათიანის მიერ გამოცემული წიგნი „არგონავტები“ გადასცა.

უნდა აღინიშნოს, რომ სოფლის განვითარების პროექტით შპს „გზაშენი-18“-მა მოკლე დროში შეძლო მშობლიური-ასკანის გზის სამუშაოების ჩატარება. მოასწორეს გზის დაზიანებული ადგილები, ხოლო იქ, სადაც ასფალტი შემორჩა, ორმული შეკეთებები ჩატარეს. ამ საქმეზე 28 ათასი ლარი დაიხარჯა.

**ზაურ ჩხაიძე:** -2001 წლის 30 აგვისტოს გაიხსნა ტაძარი. ამ დღეს ჩაყვარა სახალხო დღესასწაულ „ასკანობა“ საფუძველი და მას შემდეგ ტარდება. ამ დღეს ტარდება როგორც სპორტული, ისე მხატვრული ღონისძიებები. წელს ღონისძიება უფრო მოკრძალებულად ჩატარდა, რადგან სოფლის კოლორიტი ადამიანი დავით (ხეო) ნაცვალაძე გარდაიცვალა.

**ვიციტო, ქველმოქმედებასაც ეწევით...**  
-ჩვენ შეძლებისდაგვარად ვეხმარებით სოფელს. ახალგაზრდა დედებს ვეხმარებით. წელს

18 ახალშობილზე გავცემთ 200-200 ლარს. ძალიან გვინდა სოფელში გამრავლების პროცენტმა მოიმატოს. ამ თანხით პრობლემას ვერ გადაჭრის, მაგრამ ერთგვარი წამახალისებელი ღონისძიება ჩვენი მხრიდან. ცალკეულ ადამიანებს ვეხმარებით ინდივიდუალურად. ბუნებრივია, ეკლესიის გვერდით ვდგავართ.

სოფელს არ ჰყავს სულთ მდიდარი ხალხი, რომ მონიღმონ და საქმე გააკეთონ...

**-როგორც ვიცით ასკანაში მარანის და სხვა ობიექტების გახსნას აპირებთ...**

- ჩვენ სოფელში სასტუმრო სახლს ვაკეთებთ, სადაც მარანი, კორტი და სხვა რამ იქნება. იქ სტუმრებს მივიღებთ. ხოლო ძველი სკოლის ეზოში მუზეუმს ვაკეთებთ.

**-თქვენი ვაჟები ძველი გურული ვაზის ვიშების აღდგენით არიან დაინტერესებული...**

-კი, ასეა. სანერგე მურნეობიდან „ჩხავერის“ ნერგებს ჩამოვიტანთ, რომელსაც მოსახლეობას დავურიგებთ. ოზურგეთი „ჩხავერის“ მწარმოებელი უნდა გახდეს. ამ ფურძენს ჩვენ ჩავიბარებთ, რომლისგან დაყენებულ ღვინოს მსოფლიოს ყველა კუთხეში გავავაზავებთ. ასევე გვინდა ხილის მიმღები პუნქტი გავხსნათ.

**-რა პრობლემას ხედავთ სოფელში მოსავარებელს...**

-უპირველესად უწყლობას, რომლის მოუგვარებლობა სოფელსაც და ჩვენც პრობლემების წინაშე გვაყენებს.

**პ.ს.** ჩხაიძეების ახლადგებულმა სასტუმრო სახლმა ამ დღეს არაერთ ცნობილ ბიზნესმენს და სხვა საზოგადო მოღვაწეს უმასპინძლა.

# ტიფო მიქატაძე სასამართლოს მიმართავს

საქართველოს რეპუბლიკური პარტიის ოზურგეთის ორგანიზაციის თავმჯდომარე ტიფო მიქატაძე გაზეთ „გურიის მოამბის“ მიერ, „ქართული ოცნების“ ოზურგეთის ორგანიზაციის თავმჯდომარის დავით დარჩიასთან საუბრის ფარული ჩანაწერის გამოქვეყნებისათვის ოზურგეთის რაიონულ სასამართლოს მიმართავს.



ჩამოყალიბების ფაზაში იყო, ყველანაირად ხელს ვუწყობდი გაზეთის განვითარებას, რადგამ მიმაჩნდა, რომ რაც მეტი მედიასა-შუალეზა იქნებოდა, მეტად განვითარდებოდა დემოკრატია...

სასამართლოზე დადასტურდება, რომ ვლადიმერ მენაძემ ფარულად შემოაღწია ჩვენს ოფისში, ფარულად აკეთებდა ჩანაწერებს. ეს არის ასინეთას სინდრომი, -განაცხადა მიქატაძემ.

-რა არის სენსაცია-კოალიციის ლიდერები ხელებიან ერთმანეთს? ეს ყველაფერი ემსახურება კონკრეტული ადამიანების დაკვეთებს -ტიფო

მიქატაძის და დავით დარჩიას დისკრედიტაციას. დავით დარჩიასთან საუბრის დროს არ ვპასუხობდი ზარებს, მოგვიანებით მხოლოდ მეუღლის -მარინა სუნგულაის ზარს ვუპასუხე, რომელმაც მითხრა, ის ზარები იმ მოქალაქეებიდან იყო შემოსული, რომელთაც უნდა გავეფრთხილებინე ოფისში ლალო მენაძის ფარულად შემოსვლის შესახებ. ლალო მენაძის სიტყვა ჩემში სანდოობით არ სარგებლობს-ასეთი ვერდიქტი აქვს გამოტანილი ტიფო მიქატაძეს.

როცა გაზეთი „გურიის მოამბე“

## პ/პ პროზული ფორუმის გურიის რეგიონული ორგანიზაციის თავმჯდომარის, შოთა გომიზაძის ბრიფინგის პრესრეზიუმი პასუხი ტიფო მიქატაძისა და მარინა სუნგულაის განცხადებაზე

თითქმის წელიწადნახევარია ეროვნულ ფორუმს თანამშრომლობა უწყვეტ კოალიცია „ბიძინა ივანიშვილი-ქართულ ოცნებაში“ შემავალ პოლიტიკურ ძალებთან და ვერაფერ იტყვის რომ, ოდესმე ჩვენი მხრიდან ადგილი ჰქონდა ამ პოლიტიკურ პარტიებთან კონფორტული დამოკიდებულების მცდელობას, მეტიც, ბატონმა ბიძინა ივანიშვილმა ბატონ კახა შარტავას „გუნდურობის მასტერკლასის ჩამტარებელი“ უწოდა და ჩვენც ეროვნული ფორუმის რეგიონული და რაიონული ორგანიზაციები მხოლოდ ამ პრინციპით ვხელმძღვანელობთ.

მოუხედავად ამისა ბოლო პერიოდში გახშირდა ადგილობრივი რესპუბლიკელებისაგან ჩემი სახელისა და გვარის სხვადასხვა ფორმით სხვადასხვა კონტექსტში ხსენება, რასაც პირადად ჩემს წინააღმდეგ და ზოგადად პ/პ ეროვნული ფორუმის წინააღმდეგ მიმართულ ქმედებად აღიქვამ და ვფასებ, როგორც მიზანმიმართულ შავ პარას და ჩვენი მაღალი საზოგადოებრივი რეიტინგისა და ავტორიტეტისათვის ზიანის მიყენების მცდელობად.

2012 წლის ოქტომბრის არჩევნებამდე და შემდეგაც ჰქონდა ადგილი მსგავს ქმედებებს, მაგრამ არასდროს მიმიცია ჩემი თავისთვის უფლება ჩავრეულიყვი შემთავაზებულ კონფორტულ ინტრიგებში. ვფიქრობდი, რომ მოთმინებით და მათ მიმართ პარტიონორული დამოკიდებულებით საფუძველს ჩაუყრიდი შიდაკოალიციურ ჯანსაღ ურთიერთობებსა და ურთიერთპატივისცემის გარეშს.

თუმცა როგორც ჩანს, ჩემმა კეთილშობილურმა ყველაზე მეტად არ გამოიღო. ისინი უხუცად იმ რეჟიმში აგრძელებენ საქმიანობას, როგორ რეჟიმშიც განვიღო პერიოდში იყვნენ, კერძოდ, მოუხედავად მაშინ არსებული ურთულესი წინასაარჩევნო პერიოდებისა, მოუხედავად ნაციონალური მოძრაობის ტოტალიტარულ ხელისუფლებასთან სამკვლარ-სასიცოცხლო დაპირისპირებისა და კონფლიქტში იყვნენ „თავისუფალ დემოკრატებთან“ და პიროვნულ დაპირისპირებაში „თავისუფალი დემოკრატების“ ადგილობრივ ლიდერთან თემურ სალუქვაძესთან, რითაც ჩვენი კოალიციის შიგნით არსებული ვითარების შესახებ საზოგადოებაში უარყოფით ფონს ქმნიდნენ, ხელს უწყობდნენ ჩვენს მიმართ ნაპოლისტური დამოკიდებულების დანერგვას. მთელი პასუხისმგებლობით ვაცხადებ: რომ არა მსგავსი ურთიერთობები, საარჩევნო შედეგი გაცილებით უკეთესი იქნებოდა. რის თაობაზეც

არაერთხელ ჩავეყენე საქმის კურსში მაშინ ვერ კიდევ მაქორიტიარობის კანდიდატი, ზვიად კვაჭანტირაძე.

თავი შევიკავე მკვეთრი განცხადებებისაგან მაშინაც, როდესაც საჯარო გახდა ტიფო მიქატაძისა და დავით დარჩიას ეწ. „საიდუმლო სერობის“ მასალები, სადაც ჩემს მიმართ უადრესად უპატივცემულო და შეურაცხყოფილ ტონში და ჩემთვის გაუგებარ და აბსოლუტურად არარსებულ თემებთან დაკავშირებით კთოდებოდა ყოვლად მიუღებელი შეფასებები. აქც არაადეკვატურად შეფასდა ჩემი ღვაწილი და გაგრძელებამაც არ დააყოვნა ტიფო მიქატაძისა და მარინა სუნგულაის ოფიციალური განცხადებაში, რომელიც „გურია ნიუსმა“ გამოაქვეყნა, აღმოჩნდა მათი „შეფასების“ ობიექტი.

მინდა შეგახსენოთ, რომ ყველაფერს აქვს საზღვარი. თუ კი, მე, თავს არ ვაძლევ უფლებას გამოვიდე კოალიციური პარტიონორობის ჩარჩოებიდან, გვეითხებით, თქვენ რატომ აყენებთ თავს ამ ურთიერთობების მდლა და თანაც მსგავსი ფორმით?

საზოგადოებას შეახსენებ, რომ მე სოლიდარობა გამოვუცხადე რეგიონალ მედა-საშუალეზას „გურიის მოამბეს“, რომელსაც ოზურგეთის საკრებულო გარკვეულ პრობლემებს უქმნის. მიმაჩნია, რომ დემოკრატიული პროცესებისათვის მსგავსი დამოკიდებულებები პრესის მიმართ მიუღებელია.

აქვე შეგახსენებ მკითხველს, რომ, წლების მანძილზე მიმდინარეობდა ზეწოლა გაზეთ „ალიონზე“, რომელსაც მხარში ვდექით. როდესაც ნაციონალურების მხრიდან ზეწოლები ხორციელდებოდა „გურია ნიუსზე“, პირადად მე და ჩემი პოლიტიკური გაერთიანება მაშინაც ბოლომდე ვიდექით მედა საშუალეზის გვერდით და ოფიციალურად ვაფიქსირებდით ჩვენს მხარდაჭერას. ასევე უამრავი მცდელობა გვქონდა ტელეკომპანია „მედიას“ სახელისუფლებო ზეწოლის კლანჭებიდან გამოხსნის მიზნით.

და ბოლოს საზოგადოებისა და პოლიტიკური პარტიონორების საყურადღებოდ ვაცხადებ: არაფერი გამოკეთება და არაფერს ვაგაკეთებ ისეთს, რომ ტიფო მიქატაძისა და მარინა სუნგულაის მსგავსად ჩემი ოზურგეთელებისათვის ბოლოში მქონდეს სასხლელო. ვმოქმედებდი და ვიმოქმედებ ჩემი ხალხის სიყვარულით, ჩემი პოლიტიკური გაერთიანების შიდა პარტიული დისციპლინით, ქვეყნის უკეთესი მომავლისთვის, ჩემთვის ჩვეული გულწრფელობითა და თადადებით.

## შეხვედრა მიგრაციის საკითხებზე

საქართველოს ახალგაზრდა იურისტთა ასოციაციის ოზურგეთის ოფისში არასამთავრობო ორგანიზაციებთან, მედიასთან და მოსახლეობასთან ერთად პროექტის „საქართველოსა და ევროკავშირის შორის კარგად მართული მიგრაციის ხელშეწყობა“ გაიმართა.

პროექტი ფოკუსირდება 4 მთავარ ამოცანაზე: მიგრაცია და განვითარება; მიგრაციის კანონმდებლობისა და პოლიტიკის განვითარების ხელშეწყობა; არალეგალური მიგრაციისა და ტრეფიკინგის წინააღმდეგ ბრძოლა; მიგრანტთა უფლებების დაცვა.

პროექტის დირექტორმა ხათუნა ბურკაძემ ისაუბრა კვლევის შედეგად განალიზებულ საქართველოს მიგრაციის სტრატეგიაზე 2013-2015 წლებში, მიგრაციის მარეგულირებელ კანონმდებლობაზე, უკანონო მიგრაციის წინააღმდეგ ბრძოლის საშუალებებზე და პასუხი გასცა ამ თემებზე დასმულ შეკითხვებს.

**თურქული ენის შესასწავლად მესაჭიროება**

**თურქული ენის სპეციალისტი, შესაბამისი ანაზღაურებით, დამიკავშირდით:**

**(598) 84 84 82.**

# ცვლილებები ბიუჯეტში საკრებულოს წევრებმა ერთხმად დაამტკიცეს

საკრებულოს რიგგარეშე სხდომაზე ოზურგეთის მუნიციპალიტეტის 2013 წლის ბიუჯეტში ცვლილებებისა და დამატებების შესახებ პროექტი დამტკიცდა.

მიზანშეწონილად მიგვაჩნია განვმარტოთ ის ძირითადი ცვლილებები, რომელიც აისახა ბიუჯეტში.

საქართველოს მთავრობის №1105 განკარგულებით ოზურგეთის მუნიციპალიტეტს გამოეყო „საქართველოს რეგიონებში განსახორციელებელი პროექტების ფონდიდან 9 721 340 (ცხრა მილიონ შვიდას ოცდაერთი ათას სამას ორმოცი)ლარი. აქედან 4 511 780 ლარით დაფინანსებულ იქნება დეკორატიული-ვაკუუმური, სოფ. ოზურგეთი-მელექედური-დვარაზი, ქ. ოზურგეთი (ლესელიძის ქ.) -სოფ.ოზურგეთი, ლიხაური-აჭის ადგილობრივი მნიშვნელობის გზების რევილიტაცია. სწორედ ამ პროექტების განხორციელებაზე გამოცხადებული ელექტრონული ტენდერით გამოვლილია გამარჯვებული კომპანია: „ბლექ სი გრუპი“, „მარჯინი“, „გზამშენი 18“.

**ცნობისათვის: საქართველოს მთავრობის 2013 წლის 15 აგვისტოს №1052 განკარგულებით, მიმდინარე წლის ივნისი-ივლისის თვეებში თვითმართველ ერთეულებში მომხდარი „სტიქის შედეგების სალიკვიდაციო ღონისძიებების განხორციელებისათვის გათვალისწინებულია 10 161 112 ათ. ლარი, აქედან ოზურგეთის მუნიციპალიტეტი დაფინანსდა 1 179 400 (ერთი მილიონ ასსამოცდაცხრაშეტი ათას ოთხასი) ლარით.**

ბიუჯეტში ცვლილებები გახლდათ საკრებულოს წევრების მსჯელობის თემა. დეპუტატებმა წარმოდგენილ პროექტს ერთხმად დაუჭირეს მხარი.

აქვე დაინტერესებულ პირებს ვაცნობებთ, რომ მუნიციპალიტეტის მიერ მიღებული ნებისმიერი გადაწყვეტილებების განმარტებისათვის (საჭიროების შემთხვევაში) შეუძლიათ მიიღონ კვალიფიციური და დეტალური ინფორმაცია საკრებულოსა და გამგეობის შესაბამის სამსახურებში

## ოზურგეთის სიმალიაჰაჰი კონკურსი გამოსცადება

ოზურგეთის თვითმმართველობის სიმბოლიკის: გერბისა და დროშის საუკეთესო პროექტის შერჩევის მიზნით, ოზურგეთის მუნიციპალიტეტის საკრებულოში დროებით სამუშაო ჯგუფი შეიქმნა, რომელსაც საკრებულოს თავმჯდომარის მადგილე ავთანდილ მექვაბინაძე უხელმძღვანელებს. უკვე მიმდინარეობს კონსულტაციები არქიტექტორებთან, დიზაინერებთან, სპეციალისტებთან. საკრებულოს თავმჯდომარის ავთანდილ სურგულაძის განცხადებით, წარმოდგენილი ესკიზებიდან, გამარჯვებული პერალდიკის კანონების გათვალისწინებით გამოვლინდება. ოზურგეთის მუნიციპალიტეტის საკრებულომ ოზურგეთის სიმბოლიკაზე კონკურსი ადრეც გამოაცხადა. თუმცა კომისიაში შემოსული საკონკურსო ესკიზთა ვარიანტები პერალდიკის საბჭომ პერალდიკის კანონთან შეუსაბამოდ მიიჩნია.

ავთანდილ სურგულაძე იმედოვნებს, რომ ოზურგეთს ექნება ისეთი სიმბოლიკა, რომელიც საზოგადოების უმრავლესობის მოწონებას დაიმსახურებს.

ოზურგეთის თვითმმართველობის სიმბოლიკის: გერბისა და დროშის საუკეთესო პროექტის შერჩევა-შეფასებაში პერალდიკის საბჭოს სპეციალისტებიც ჩართუნიან.

## ქვიშა-ხრემის მოპოვებაზე მონიტორინგი განხორციელდება

ოზურგეთის მუნიციპალიტეტის საკრებულოს გადაწყვეტილებით, მუნიციპალიტეტში, ქვიშა-ხრემის მოპოვებელი ორგანიზაციების საქმიანობის შესწავლის მიზნით დროებითი სამუშაო ჯგუფი შეიქმნა, რომელსაც საკრებულოს ეკონომიკური განვითარების, ინფრასტრუქტურისა და ურბანიზაციის კომისიის თავმჯდომარე, თამაზ სალუქვაძე უხელმძღვანელებს.

ჯგუფის მიზანია შეისწავლოს მერიის თემში, მდინარე ნატანებზე მიმდინარე ქვიშა-ხრემის მოპოვებითი სამუშაოების მიმდინარეობა და დაადგინოს მათი შესაბამისობა გაცემულ ნებართვასთან. როგორც ადგილზე ჩატარებულმა დოკუმენტებამ დაადგინა, მოპოვებითი სამუშაოები გარკვეულ პრობლემებს უქმნის მდინარე ნატანებზე არსებულ საეკოლოგიურ ხიდის საძირკველს, დაზიანებულია ცენტრალური გაზსადენის მაგისტრალი და მდინარეს ეცვლება კალაპოტი.

საკრებულო თავისი კომპეტენციის ფარგლებში განხორციელებს მონიტორინგს და დარღვევების აღმოჩენის შემთხვევაში აცნობებს შესაბამის უწყებებს.

## ზამთრის საზონს ბაღები მოწყობაში უხვგვამიან

ა.ა.ი.პ. „ოზურგეთის მუნიციპალიტეტის სკოლა-მდელო სადამრედელო-საგანმანათლებლო ცენტრი“ საბავშვო ბაღებში სათბობი შეშის ნაცვლად ხის საწვავი „ბრიკეტის“ გამოყენებას გეგმავს. ალტერნატიული გასათბობი საშუალების გამოყენება და შექმნა საკრებულოს წევრების თანხმობით, სხდომაზე გადაწყდა.

ხის საწვავი „ბრიკეტი“ დამზადებულია ხის ნარჩენებისაგან (ნახერხი, ბურბუშელა), ყოველგვარი მინარევების გარეშე. „ბრიკეტი“ წვის ხანგრძლივობის გარდა სითბოს სწრაფი და დიდი ოდენობის გამოყოფით გამოირჩევა. იგი ერთ-ერთ ყველაზე ეკოლოგიურად სუფთა საწვავ საშუალებად ითვლება.

ა.ა.ი.პ. „ოზურგეთის მუნიციპალიტეტის სკოლა-მდელო სადამრედელო-საგანმანათლებლო ცენტრი“-ს მიერ სათბობი შეშის შესყიდვის შესახებ გამოცხადებული ტენდერები არ შედგა, რის შემდეგაც ცენტრის ადმინისტრაციამ საკრებულოს სხდომაზე დააყენა საკითხი ე.წ. ხის საწვავი ბრიკეტის შექმნასთან დაკავშირებით.

გამარტივებული ელექტრონული ტენდერი, ალტერნატიული სათბობი საშუალების შესაქმნად უახლოეს მომავალში გამოცხადდება.

## საკრებულოს საზოგადოებასთან, მედიასთან და სამართავრობის ურთიერთობების განყოფილება

# თბილი საღამო თბილი ლექსებით

მარი კოკოშვი



შალვა რადიანის სახელობის სახელმწიფო ეთნოგრაფიულ მუზეუმში ხათუნა ჭვიშვილის პოეზიის საღამო ჩატარდა. საღამოს ინიციატორი არასამთავრობო ორგანიზაცია „ქალები რეგიონის განვითარებისათვის“ (ხელმძღვანელი ქეთევან ხიდაშელი) და სოფ. დვარაზის ახალგაზრდული სათემო კლუბი „ლამპარი“ ( ხელ-ლი მაია ქოჩიშვილი). ღონისძიება ჩატარდა ფონდ „ტასოს“ ფინანსური მხარდაჭერით. მუზეუმის დირექტორი ქანი ნინო ჯავახიძე მუზეუმის ისტორიასა და მნიშვნელობაზე ესაუბრა მიწვეულ სტუმრებს. ხათუნა ჭვიშვილმა საკუთარი ლექსები წაიკითხა და მეგობრებთან ერთად ლექსებს სიმღერაც მიაცილა.

ქეთევან ხიდაშელმა სიურპრიზიც მოუზღადა ლექსების ავტორს და პატარა კრებული გადასცა საკუთარი ხარჯებითა და ტექნიკური საშუალებებით დაბეჭდილი.

ქეთევან ხიდაშელი: ჩვენ დაგვიმისი გვაქვს პოეტებთან, ხელოვან ადამიანებთან შეხვედრა. აქვე გვყავს კარგი პოეტი, ამიტომაც გადავწყვიტეთ ხათუნასთან შეხვედრა. საღამოზე მოწვეული გახლდათ რუსთველოლოგი, არაერთი წიგნის მთარგმნელი და ავტორი ბატონი ანზორ – რომელმაც შეხვედრას თბილი საღამო უწოდა და წაიკითხული ლექსები პროფესიონალის თვლით შეაფასა. შემდეგ იქვე, სახელდახელოდ მოხდილი ჭურის ღვინით შეისვა საქართველოს, პოეზიის, სიყვარულის სადღეგრძელო.

## სიყვარული და დედამიწა

მზე გენიოსი მხატვარია მხატვართა შორის, მზის პალიტრაზე ადუღებს ცის ფერებს ურჩებს...

მერე უსახო დედამიწის მოსახატავად ხარბად გადმოსხამს „სხივებთა ფუნჯებს“.

მზე გენიოსი მხატვარია მხატვართა შორის, მზე დედამიწას აფხრიწავს ნაზამთრალ ბარდნალს,

ჯერ ესკიზურად გააფორმებს გაყინულ სივრცეს, რომ ყოველივე დაამსგავსოს თვალწარმტაც ბაღნარს.

პირობონტების ჩარჩოებზე გაჭიმავს ტილოს, რათა ისეთი სილამაზის შედეგად შექმნას,

რაც ჯერ არ ქმნილა არასოდეს მოკვდავთა გენით და რისი მსგავსი ქვეყანაზე ვერავინ ვერ ჰქმნა...

მზე ბუმბერაზი ფერწერული ტილოს ავტორი მისივე შექმნილს იტყვევებოდა თავადვე იცავს...

ტილოს, რომელიც კაცთა მოდგმას საწურად მისცა, ასე დაარქვა – სიყვარული და დედამიწა.

# ინკლუზიური განათლება ანუ რატომ უნდა ვისწავლოთ ერთად

ინკლუზიური განათლება სპეციალური საგანმანათლებლო საჭიროების მქონე მოსწავლის თანატოლებთან ერთად ზოგადსაგანმანათლებლო პროცესში ჩართვას გულისხმობს.

აღნიშნული ტერმინი ჩვენი საზოგადოების გარკვეული ნაწილისათვის ჯერ კიდევ უცნობ ან მულტულ ტერმინს წარმოადგენს. ეს განსაკუთრებულ ყურადღებას საჭიროებს, როგორც შესაბამისი სახელმწიფო სტრუქტურების, ისე სამოქალაქო სექტორის მხრიდან, რადგან, როგორც წესი, შეზღუდული შესაძლებლობების მქონე პირთა საზოგადოებისაგან გაუცხოებას ტექნიკური და ინფრასტრუქტურული პრობლემების გარდა თავად საზოგადოების განწყობა და არაინფორმირებულობა უდევს საფუძვლად. ეს უკანასკნელი ადამიანებს აფიქრებინებს, რომ შეზღუდული შესაძლებლობების მქონე პირები იზოლაციისთვის არიან განწირულნი მხოლოდ იმიტომ, რომ ისინი ღებრიან ჩვენგან განსხვავა. მაგრამ განსხვავებულობა საბედნიეროდ თითოეული ჩვენგანისთვის არის დამახასიათებელი და რა დროითაც არ უნდა ატარებდეს ადამიანი განსხვავებულობის ნიშანს, მას

სრული მორალური და სამოქალაქო უფლება აქვს სარგებლობდეს სრულფასოვანი ცხოვრების პირობებით ყოველგვარი შეზღუდვების გარეშე. ვინაიდან პიროვნებისა და მოქალაქეობრივი ცნობიერების ჩამოყალიბება სწორედ სკოლიდან იწყება, ინკლუზიური განათლებას შეზღუდული შესაძლებლობების მქონე პირთა საზოგადოებაში სრულფასოვნად ინტეგრირების პროცესში განსაკუთრებული მნიშვნელობა ენიჭება. ინკლუზიური განათლების განვითარება საქართველოში 2009 წლიდან იღებს სათავეს მას შემდეგ, რაც განათლებისა და მეცნიერების მინისტრმა და ნორვეგიის ელჩმა საქართველოში ხელი მოაწერეს პროექტს „სახელმწიფო მართავს განათლების განვითარება საქართველოს 10 რეგიონის საჯარო სკოლებში“. სპეციალური საგანმანათლებლო საჭიროების მქონე პირთა განათლების 2013-2016 წლების სტრატეგია და სამოქმედო გეგმა კი აქცენტს ინკლუზიური განათლების ხარისხის გაუმჯობესებასა და მისი მას-

# მიუხედავად ბევრი პრობლემისა მოსახლეობის სამომავლო აქტიურობა დაბალია

ნუგზარ ოთარიშვილი

მიუხედავად იმისა, რომ ადგილობრივი გაზეთების საშუალებით საქართველოს პატრიოტთა ალიანსის გურიის წარმომადგენლობას დაანონსებული ჰქონდა აქციის ჩატარების შესახებ თხილისა და სოფლის მეურნეობის სხვა პროდუქტების ფასების ხელისშეწყობის შემცირებასთან დაკავშირებით, 27 აგვისტოს თეატრალურ მოედანზე ცოტა ადამიანი მივიდა. აქციას ადგილობრივი ყველა მედიასაშუალების წარმომადგენელი ესწრებოდა.

„კუბლაშვილი დამნაშავეა და იგი უნდა გადადგეს!“- ასეთი ლოზუნგი წარმოადგინა პატრიოტთა ალიანსმა.

ადგილობრივი მავია ხელოვნურად ადებს თხილის ფასებს. ამაში ადგილობრივი თხილის მიმღები საწარმოები სცოდნენ – განაცხადა პატრიოტთა ალიანსის გურიის ორგანიზაციის ხელმძღვანელმა, ადვოკატმა გოჩა ძიმიტარაშვილმა.

მიუხედავად ბევრი პრობლემისა, მოსახლეობის სამოქალაქო აქტიურობა ძალიან დაბალია – აღნიშნა სოფლის მეურნეობის მეცნიერებთა დოქტორმა ნანული ორაგველიძემ. მისი თქმით, კახა ბენდუქიძე გეგმაზომიერად ანადგურებს ანასეულის ინსტიტუტის ინფრასტრუქტურას. ანასეულში სასწავლო ინსტიტუტის გახსნა არ უნდა ნიშნავდეს იმას, რომ საკვლევი ინსტიტუტი, მისი ბაზა – ლაბორატორიები განადგურდეს. დღეს ბენდუქიძემ ანასეულის ინსტიტუტი საკონსულტაციო ცენტრად



აქცია 10 თანამშრომლით აღნიშნულ თემას გამოეხმაურა ოზურგეთის მუნიციპალიტეტის საკრებულოს დეპუტატი სოსო ხინთიბიძე და სოფ. მელექედურის პრობლემებზე ისაუბრა.

მუნიციპალიტეტის გამგებელი გააკრიტიკა პატრიოტთა ალიანსის წარმომადგენელმა შალვა დოლიძემ.

კარლო ჩიტაიშვილმა სოფ. ჭანიეთის ჩოლოქისპირის მიწების გასხვისების თემაზე ისაუბრა და ამ საქმის მონაწილედ ოზურგეთის მუნიციპალიტეტის საკრებულოს თავმჯდომარე ავთანდილ სურგულაძე დაასახელა.



# ინკლუზიური განათლება ანუ რატომ უნდა ვისწავლოთ ერთად

შტაბების ზრდაზე აკეთებს. სასურველია რომ ინკლუზიური განათლების დანერგვის პროცესი ქვეყანაში მაქსიმალურად იყოს დაზღვეული ხარვეზებისაგან, რათა შედეგი მოსალოდნელიდან საბრუნველ არ მივიღოთ. სამწუხაროდ, ხარვეზების მასშტაბი კმაყოფილების საშუალებას ნამდვილად არ გვაძლევს.

საქართველოს მასშტაბით ინკლუზიური განათლებაში 216 სკოლა ჩართულია, საციალური საჭიროების მქონე მოსწავლეთა რაოდენობა კი 4000-ს აღწევს. ამასთან აღნიშნული სკოლებიდან უმრავლესობა არ არის უზრუნველყოფილი შესაბამისი მატერიალურ ტექნიკური ბაზით, სათანადო კვალიფიკაციის მქონე პედაგოგებით. ქვეყნის მასშტაბით არასაზარბილო მდგომარეობაა პანდუსების არსებობისა და არსებულის შემთხვევაში ვარგისიანობის თვალსაზრისით. თითქმის არ მოგვეპოვება ბიბლიოთეკები რომლითაც შშმ პირები შეძლებდნენ სარგებლობას, რომ აღარაფერი ვთქვათ საზოგადოებრივი თავშესაფრის ადგილებსა თუ უბრალოდ გადაადგილების პროცესისთვის საჭირო ინფრასტრუქტურაზე, რომლებიც ცალკე განხილვას საჭიროებს და არაკლებ პრობლემატურ სფეროს განეკუთვნება.

ოზურგეთში ინკლუზიური განათლების პროცესში 20 მდე სკოლაა ჩართული, მილიანად გურიის მასშტაბით კი ვერჯერობით სკოლების მხოლოდ 40 პროცენტი უზრუნველყოფს შესაბამისი საჭიროების მქონე მოსწავლეთა ინდივიდუალური სასწავლო პროგრამებით სწავლებას.

ოზურგეთსა და გურიაში ინკლუზიური განათლების მიმართულებით არსებულ ვითარებასა და პრობლემებზე ქალბატონ მარინა თოფურას ვესაუბრეთ, რომელიც ახალგაზრდა პედაგოგთა კავშირის თავმჯდომარე და მულტიდისციპლინური გუნდის ხელმძღვანელი გახლავთ. აღნიშნული გუნდის ფუნქცია გურიაში ინკლუზიური განათლების ხელშეწყობა, პედაგოგთა კვალიფიკაციის ამაღლება, საციალური საგანმანათლებლო საჭიროების მქონე ბავშვების შეფასება და ინდივიდუალური სასწავლო პროგრამების შემუშავებაში ხელშეწყობა გახლავთ.

**მარინა თოფურია - ახალგაზრდა პედაგოგთა კავშირი** 1996 წლიდან დაინტერესდა ინკლუზიური განათლებით, როცა ამ მიმართულებით სახელმწიფო პოლიტიკა ვერ კიდევ არ არსებობდა. თავდაპირველად მხოლოდ თემის პოპულარიზაციით შემოეფარებოდით, 2005 წლიდან კი უკვე პროექტები წარვადგინეთ საერთაშორისო ორგანიზაციებში სკოლებში ინკლუზიური განათლების დანერგვის ინიციატივით. 5 წლის წინ კი სახელმწიფო პოლიტიკის ნაწილი გახდა ინკლუზიური განათლება და დაიწყო ამ პროგრამის დაფინანსება.



აღსანიშნავია რომ ინკლუზიური სწავლებაში მხოლოდ შეზღუდული შესაძლებლობების მქონე პირები არ არიან ჩართული, არამედ ისინი ვისაც სასწავლო პროცესში დამატებითი მუშაობა ესაჭიროებათ, მათი შეფასების პროცესში კი მთავარი ფუნქცია პედაგოგმა და სკოლის ადმინისტრაციამ უნდა აიღოს. მოსწავლის ინდივიდუალურ სასწავლო პროგრამაზე მორგება კი ნებაყოფლობითა და მშობლის თანხმობასა ან უარზეა დამოკიდებული. ჩვენ ვართ დამხმარე და ვხორციელებთ მონიტორინგს რამდენად ეფექტურად მიმდინარეობს პროცესი.

ამ ოთხი წლის განმავლობაში რამდენიმე სამწუხარო და უარყოფითი ტენდენცია გამოიკვეთა: ერთი ის, რომ ხელმოწერად ხდება საციალური საგანმანათლებლო საჭიროების მქონე ბავშვების დამალვა, რადგან პედაგოგებისთვის ეს დამატებითი ჯიჯივარა და ბუროკრატიულ რუტინასთანა დაკავშირებული. და მეორე პედაგოგები მოტივირებული არ არიან და გამუდმებით წუწუნებენ დამატებითი ანაზღაურების არ ქონის გამო. მოუხდევად იმისა რომ განათლების შესახებ კანონში ჩაწერილია, რომ შშმ პირს ტიპურ ბავშვთან შედარებით მეტი ვაუჩერი უნდა ექვოდეს, კანონის ეს მუხლი დღემდე არ ამუშავებულა. ამოქმედების შემთხვევაში კი ვფიქრობ აღნიშნული უარყოფითი ტენდენცია მტნაკლებად აღმოფხვრებოდა.

ინკლუზიური განათლებისთვის არა მარტომ ინტელექტუალური, არამედ მატერიალური გარემოც მნიშვნელოვანია. უნდა შეიქმნას შესაბამისი განწყობა, ამაღლდეს კვალიფიკაცია, დაიხსნას სტერეოტიპები, მომზადდეს მშობლები როგორც შშმ ისე ტიპური ბავშვებისა და რაც მთავარია მოგვარდეს ინფრასტრუქტურული პრობლემები.

დღეს ჩვენ ინკლუზიური განათლების ხელშეწყობის პარალელურად ბავშვები გვყავს შინსწავლების პროგრამაზეც. ამის მიზეზი ხშირ შემთხვევაში სოფლებიდან მათი ტრანსპორტირების პრობლემაა. აღნიშნული პრობლემის აღმოსაფხვრელად მიგმართეთ ინფრასტრუქტურის სამინისტროსაც და პროექტით ადგილობრივ თვითმმართველობასაც, რომელიც კანონის თანახმად უფლებამოსილია მაგრამ არა ვალდებული დაუფინანსოს ინკლუზიური განათლების საჭიროებები სკოლებში.

რაც შეეხება სკოლების ინტეგრირებას, შემიძლია ვთხრა რომ ინკლუზიური სწავლებისთვის ადაპტირებული ტუალეტი მხოლოდ სამ: მერიის, შემოქმედისა და ლათურის სკოლებს აქვთ. პანდუსი კი - 10 მდე სკოლაში მოგვეპოვება საერთაშორისო ორგანიზაციების დახმარებით. სრულიად ადაპტირებული კი არც ერთი სკოლა არ არის გურიაში.

რაც შეეხება პედაგოგებს დახმარებით 300 მდე პედაგოგი დატრენინგებულია გურიაში ინკლუზიური განათლებისთვის, მაგრამ ეს არ არის საკმარისი. ბევრი შემთხვევა სკოლებში სმენადაკლები ბავშვები, ყოუ-მუნჯავი კი სწავლობს - მითხარით ვინ იცის ფესტური ენა რეგიონში?

**- რა შედეგით ვითარება საზოგადოების განწყობაზე?**

- 15 წლის წინ ეს ძალიან დიდი პრობლემა იყო. მას შემდეგ ცნობიერება ნამდვილად განვითარდა თუქვა ვერ ვიტყვი რომ 100 პროცენტით ტოლერანტები ვართ. მაგალითად 2 წლის წინ ჩვენ გვექნა შემთხვევა როდესაც სკოლაში ვერ მოახერხა სასწავლო პროცესში იმ ბავშვის ინტეგრირება, რომელსაც ქვეყნის მართვა უჭირდა და მშობლებმა კატეგორიულად მოითხოვეს მისი სკოლიდან გაგვანა. სტერეოტიპები ტერმინებში კი ბოლომდე არ არის დაძლეული. პედაგოგებს შრომის დღეს დამკვიდრდა ახალი ტერმინი „ინკლუზივი ბავშვი“ რაც შინაარსობრივი თვალსაზრისით სრული ასსურია. თავად ტერმინი ინკლუზიური განათლება ოზურგეთის მასშტაბით ალბათ მოახსენიების მხოლოდ 20 პროცენტისთვის თუ იქნება ცნობილი.

სრულფასოვან, ინკლუზიურ განათლებამდე მიმავალი გზა არ არის სწრაფად და მარტივად გასავლელი, განსაკუთრებით ისეთ ქვეყანაში როგორც საქართველოა. ქვეყანაში რომელშიც შშმ პირებს სულ ცოტა ხნის წინ „ინვალიდებს“ უწოდებდნენ და მერე თავად ამ ტერმინს სხვადასხვა დროსა და სხვადასხვა ადგილას დამატებულ კონტექსტში მოიხსენიებდნენ.

მოუხდევად იმისა, რომ ინკლუზიური განათლების დანერგვის პროცესი საქართველოში პრობლემების პარალელურად მიმდინარეობს, თავად პროგრამის დანერგვის ფაქტი უდავოდ წინ გადადგმული და იმედის მომცემი ნაბიჯია, იმედია რომ სახელმწიფოსთვის დღის წესრიგში უახლოეს მომავალში მინც დადგება ვერჯერობით უზულებელყოფილი პრობლემები ამ მიმართულებით.

სტატის დასასრულს განსაკუთრებული ყურადღება მინდა საზოგადოებისა და საქართველოს თითოეული მოქალაქის, მშობლისა თუ მოსწავლის პასუხისმგებლობაზე გავამხვილო, რომელიც განწყობებს საკანონო მნიშვნელობა ენიჭება მრავალფეროვანი და ჯანსაღი საზოგადოების მშენებლობის პროცესში. თუკი დემოკრატია სიტყვა-სიტყვით უმრავლესობის მმართველობას გულისხმობს, დემოკრატის საზომად განვითარებულ სამყაროში სწორედ სხვადასხვა ნიშნით უმცირესობაში მყოფი ადამიანების უფლებები და ყოფითი მდგომარეობა მიიჩნევა. შეზღუდული შესაძლებლობების მქონე პირები კი, რომლებიც მსოფლიოს მოსახლეობის თითქმის ერთ მეათედს შეადგენენ, ცალკეული ქვეყნის შიგნით სწორედ იმ უმცირესობებს განეკუთვნებიან, რომლებიც საზოგადოებისაგან განსაკუთრებულ და ამავედროულად თანასწორ მიდგომას საჭიროებენ. სწორედ ამ მიდგომის მიხედვით ძალიან მარტივად შეგვიძლია გავაკეთოთ დასკვნა საკუთარი განვითარებისთვის თაბაზე, როგორც დასავლური, ისე აღმართი და ქრისტიანული დირეულებების თვალსაზრისით. ახალგაზრდაობა კი, რომელიც სკოლიდანვე ეზარება აღნიშნულ ფასეულობებს, როგორც თეორიულ ისე პრაქტიკულ დონეზე, გახდება ასე ნანატრი ჯანსაღი სამოქალაქო და სახელმწიფოებრივი ცნობიერების საფუძველი და გარანტი. აი, რატომ უნდა ვისწავლოთ ერთად და რატომ უნდა ისწავლონ ჩვენმა შვილებმა მათთან და მაივან ვისაც განსხვავებულ მდგომარეობასთან ერთად სასწავლო პროცესში შედარებით განსხვავებულ მიდგომას საჭიროებენ, საბოლოოდ, ამ განსხვავებულობის სოციალურ დონეზე დამარცხების მიხნით.

### ანანო სირამი

თბილისის სახელმწიფო უნივერსიტეტის სოციოლოგიის ფაკულტეტის III კურსის სტუდენტი



ოზურგეთის მუნიციპალიტეტის გამგეობის ტურიზმისა და ექსკურსიების ბიურო შპს „გურიატრეველ“-თან არსებული ოური ჩინლაძის სახელობის ქართული ხალხური საკრავიერო და ხმერი მუსიკის შემსწავლელი სტუდია „**მურიის პირტუოზები**“

აცხადებს 2013-2014 სასწავლო წლის 1 სექტემბრიდან მოსწავლეთა მიღებას, ხოლო 16 სექტემბრიდან განახლება სწავლა სტუდიაში. სტუდიაში შეისწავლიან:

- 1. სალაბური; 2. ფანდური-კლასიკური; 3. ჩონგური; 4. ბას-ფანდური; 5. ტამ-ტამი; 6 ვოკალი.

მსურველებმა დაგვიკავშირდით: 555 209 024; 593 486 005; 593 473 055; 555 509 246. შპს „გურია ტრეველ“-ს დირექტორი დავით კვერელიძე. ქ. ოზურგეთი, გაბრიელ ეპისკოპოსის ქ. №3 (მერიის შენობა მე-2 სართული)

## ლილი პატარა

ოზურგეთის რაიონის პედაგოგთა საზოგადოებას დააკლდა კიდევ ერთი ღირსეული ქალბატონი, სანიმუშო პედაგოგი, უსაზღვრო ენერჯისა და შემართების მქონე, სითბოსა და სიყვარულის გამცემი, სხვისი ღირსისა და ღონის გამზარებელი, სახალხო განათლების წარჩინებული, ღირსების ორდენოსანი, განათლების სისტემის საუკეთესო წარმომადგენელი ლილი პატარა.



ლილი პატარა ლილის მიერ გაწეული ღვაწლი დაჯილდოებული იყო საბატო სიგელებით, მედლებით. იგი ღირსეულად ფლობდა ღირსების ორდენს.

ქალბატონი ლილის მიერ გავლილმა გზამ, კიდევ ერთხელ დადასტურდა, რომ ადამიანის სიძალე, მისი ღვაწლით იზომება.

იგი დაიბადა 1933 წელს, ოზურგეთში. დაამთავრა ოზურგეთის ქალთა მე-2 საშუალო სკოლა, შემდეგ თბილისის პუშკინის სახელობის პედაგოგიური ინსტიტუტი.

სხვადასხვა დროს მუშაობდა ოზურგეთის საბავშვო სახლში აღმზრდელ-მასწავლებლად, უფროს პიონერმძღვანელად, კომკავშირის რაიკომში სასკოლო განყოფილების გამგედ, პარტიის რაიკომის ინსტრუქტორად, არე-შემის ფაბრიკის საბავშვო ბაღის გამგედ, სკოლა-ინტერნატის დირექტორად.

1976 წლიდან პენსიაში გასვლამდე კი განათლების განყოფილების მეთოდისტად, შემდეგ კი სასკოლო ინსპექტორად. ამასთან ერთად იგი პედაგოგიურ საქმიანობას ეწეოდა კვირიკეთის საშუალო სკოლაში. მრავალჯერ იყო არჩეული რაიონული და საქალაქო საბჭოს დეპუტატად.

ქალბატონი ლილი ათეული წლების განმავლობაში უანგაროდ, უსაზღვრო სიყვარულითა და შესაშური შრომისმოყვარეობით ასრულებდა მასზე დაკისრებულ მოვალეობას. სათანადოდ იქნა დაფასებული ქალბატონი ლილის მიერ გაწეული ღვაწლი. დაჯილდოებული იყო საბატო სიგელებით, მედლებით. იგი ღირსეულად ფლობდა ღირსების ორდენს.

პროფესიონალი მისმა უსაზღვრო სიყვარულმა, კოლეგების მიმართ კეთილშობილურმა დამოკიდებულებამ, მოყვასისადმი უღალატო თანადგომამ კოლეგებსა და ნაცნობ-მგებობებს შორის დიდი სიყვარული და პატივისცემა დაიმსახურა.

უბედლო მანდილოსნის, სანიმუშო მეგობრის, სიღრმადილითა და თავმდაბლობით გამოჩენილი პიროვნების, ღამაში ოჯახის მოვლასა და გულდასმით მასპინძლობაში დაუღვრის, მარადისობაში გადასული ქალბატონი ლილი პატარას ნათელი ხსოვნა მარად დარჩება კოლეგებისა და ახლობლების გულში.

**საქართველოს პედაგოგთა და მეცნიერთა თავისუფალი პროფკავშირის რაიონული ორგანიზაცია**



მშობლები ზინა (ლულუნი) არობელიძე, ომარ ანდლულაძე, ოჯახით იუწყებიან **მპა ანდლულაძის** გარდაცვალებას. პანაშეიდი 7.09; დაკრძალვა 8.09, (სოფ. ქვ. ბახვი)

მამიდა ნარი ანდლულაძე, სოფო, სოსო, ნინო კბილიანიშვილები, სიძე ხეჩია სალუქვაძე, შალვა ფადავა იუწყებიან **მპა ანდლულაძის** გარდაცვალებას და თანაუგრძნობენ განსვენებულის ოჯახს.

სილაურის სკოლის პედაგოგები და ტექნიკური პერსონალი თანაუგრძნობს სკოლის დირექტორს ბადრი ლომინაძეს დედის, **ლილია სტურუას** გარდაცვალების გამო.

დაავადებათა კონტროლის და საზოგადოებრივი ჯანმრთელობის ეროვნული ცენტრის გურიის განყოფილება თანაუგრძნობს იზა როყვას და კახა კობლატაძეს შვილის, **ცოტემე პოპლატაძის** გარდაცვალების გამო.

„უახლოესი მეგობრები ლალი თავაძე, ნაილი გრძელიძე, კლარა გურგენიძე, ელიკო ბურჭულაძე, როზა გოგუაძე, ანა ნაკაშიძე, თამარ ჩხარტიშვილი ღრმა მწუხარებით იუწყებიან თბილი, ყველას მოსიყვარულე, კეთილშობილი ქალბატონის **ლილი პატარა**ს გარდაცვალებას და თანაუგრძნობენ განსვენებულის ოჯახს. დაკრძალვა 3 სექტემბერს, სამშაბათს, სოფ. ძიძიში.

ნასაკირალის საჯარო სკოლის პედაგოგიური კოლექტივი და ტექნიკური პერსონალი თანაუგრძნობს ამავე სკოლის პედაგოგს ეთერი მენაბდეს უსაყვარლესი დის **ელიკოს** გარდაცვალების გამო.

ოზურგეთის ყოფილი სკოლა-ინტერნატის კოლექტივი მწუხარებით იუწყება ყოფილი დირექტორის, ქალბატონ **ლილი პატარა**ს გარდაცვალების გამო და თანაუგრძნობს გარდაცვლილის ოჯახს.

ქ. ოზურგეთის №3 საბავშვო ბაღის კოლექტივი თანაუგრძნობს ლალი სამსონიას დედის **ლილი პატარა**ს გარდაცვალების გამო.

